

# Landjugiprogramm



## September – November 2020



Jede Mittwoch Abe Unihockey am 8i im Utzigen-Schuelhus

### Corona-Reglä:

- Abstand ihaute
- Regumässig Häng wäsche oder desinfiziere
- Nachem Unihockey wird daheim duschet
- Wär nid fit isch chunnt nid a Alass
- Immer schön sexy blibe ☺



### Bierwanderig Heistrich: Samschtig, 5. September 2020

Ds Heistrich organisiert das Jahr wieder d Bierwanderig. Für dä Alass isch d Amäudig scho düre. D Startzyt vo üsere Gruppe isch am 15:50 Uhr. Bitte sit gnue früh dert. Es chostet 20.- pro Person, dr Räst übernimmt d Landjugi.

### Burehofolympiade Landjugi Oenztal: Sunntig, 13. September 2020

D Landjugi Oenztal het es super Alternativprogramm zu ihrer Oenzalparty ufgsteut und ladet zur Buerehofolympiade ih! Näbst däm lustige Wettkampf wome i 4er Teams ahtritt, gits ouno feini Pizzas! Träffe düe mir üs am 10ni im Clubrum. Ahmäude bis am 6. September bir Sonja.

### Fyrabebier Bantiger: Mäntig, 14. September 2020

Mänti Abe, Zyt fürnes Fyrabebier! Mir träffe üs am 18:30 bim Clubrum. Bierli u Chipsli si gsponseret. Faus dr Alass wäg schlächtem Wätter verschobe wird, wärdet dir informiert.

### Plausch Hornussen: Sunntig, 20. September 2020

Mir wei bi dä Hornusser Sinneringen wo es Paar vo üsne Landjügelere spile es Plouschhornusse verastalte. Spile chöi au, egau obme scho güebt isch oder no chli weniger... Für Ässe und Bier luege d Hornusser. Mit träffe üs am 14:00 grad bim Hornusserhüttli Sinneringen, dr Standort wird de no id Gruppe gschickt. Amäude bis am 14. September bim Fäbu.

### Landjugi Ferien Hamburg: 24. bis 29. September 2020

D Landjugi Ferien nach Hamburg si buechet und chöi trotz Corona düregführt wärde. Die wo sich agmäudet hei wärde direkt vor Sonja informiert. Guet Sauf!

### **Oktoberfest Schwanden:** Samschtig, 3. Oktober 2020

Zur Info: Ds Schwande bi Sigriswil wird es Oktoberfest düregführt. D Leo hiuft dört mit ihrem Unihockeyteam mit.

### **Hordähöck:** Samschtig, 10. Oktober 2020

Eifach so, wüumers chöi ☺. Start 20:00 Uhr im Clubrum.

### **Chinesisch Ässe:** Mäntig, 12. Oktober 2020

Mir gö di asiatische Chuchi ga teste bim KimKim ds Worb SBB. Mir treffe üs am 19:00 bim Bahnhof Boll. Die wo direkt chöme söues de schnäu mäude. Amäude bis am 8. Oktober bir Leo.

### **Kino:** Zischtig, 20. Oktober 2020

Ä gmüetleche Abe im Chino ds Muri hei mir planet. Wele Fium und um weli Zyt wird öich no mitteilt. Dr Itritt wird vo aune säuber zahlt.

### **Spartacus Run:** Sunntig, 25. Oktober 2020

Dr Spartacus Run ds Schönbühl wird nachgeholt und mir si am Start! Während ca. 4km muess me aus Gruppe (mind. 3 Lüt) diversi Hindernis bezwinge. Das isch immer e sehr lustigi Sach. Mir Treffe üs am 09:15 im Boll. Dr Startschuss isch när 10:30. Mäudet nech bis am 15. Oktober bim Sven ah.

### **Discofox Night:** Samschtig, 30. Oktober 2020

Mir wei wider mau chli ds Tanzbei schwinge. Ds Steffisburg giz e Tanzabe u mir wei üsem ehemalige Tanzlehrer ga bewiise, dass mir geng no Rhythmus im Bluet hei... (oder so ☺). Treffpunkt 20:45 im Boll. Bitte chömet grad päarliwiis, dass am Schluss niemer allei da steit.

### **Volley Turnier:** Sunntig, 1 November 2020

Ou das Jahr wei mir üses beliebte Volleyballturnier mit de Landjugis us dr Region düreführe. Start vom Turnier isch am 10:00 ds Worb im rote Schuehuus. Mir fröie üs über flissigi Häufer zum Sandwich striche und Ufsteue scho chli früecher am Morge. Wär wott mitspiele söu sich doch bir Sonja mäude bis am 25. Oktober. Mir tüe die beide Mittwoch vorem Turnier ds Utzige üebe.

### **Hosätreger Chiubi:** Samschtig, 7. November 2020

D Hosätreger Chiubi wird vorussichtlech trotz Corona vor Landjugi Schallenberg düregführt. Hosätreger si ein MUSS.

### **Bowling:** Donnschtig, 12. November 2020

Mir gö ds Rubige ga Bowle. Träffpunkt am 19:30 im Boll. Amäude bis am 9. November bim Ändu.

### **HIT:** Samschtig u. Sunntig, 14. u. 15. November 2020

Das Jahr findet ds HIT in Attinghausen UR statt. Am Samschtig träte mir bide Spiele ohne Grenzen ah und fyre am Abe ar Ürhitparty. Am Sunti bsueche mir d GIPO AG u gö ufene gmüetlechi Schiffsfahrt. Witeri Infos folge. Amäude bis am 25. Oktober bir Sonja.

### **Paintball:** Sunntig, 22. November 2020

Mit dr Landjugi untere Emme gö mir ds Mamishus ga Paintball spile. Mir träffe üs für das am 13:00 im Boll. Amäude bis am 15. November bim Sven.

### **HV:** Samschtig, 28. November 2020

D HV startet am 20:00 Uhr im Heistrich. **Abm**äudige bitte bis am 21. November u Ahträg bis am 14. November ad Sonja. Aui witere Infos fingsch du uf dr separate Ihladig. Bring doch es Nöimitglied mit :)!

### **Vorschou:**

- **Ski Weekend:** 29. – 31. Januar 2021

Das Jahr ds erst mau in Grindelwald. Reservieret öich das Wucheend! Ahmäude chame sich scho ab ize bir Sonja.

<b>Kontakt:</b>	
Rahel:	079 767 92 87
Tina:	078 964 03 98
André	077 459 99 18
Sonja:	079 327 29 25
Leonie:	078 917 84 30
Sven:	079 105 73 57
Fabian:	078 639 50 44